

## ІНФОРМАЦІЯ ПРО ВОЛІЧА

По вступі до волебной містности воліч є повинный превказати обводній волебній комісії свою тотожность обчаньсков легітімаціов. Кідь на пожаданя была волічови видана легітімація на голосованя, предложить і тоту ведно з обчаньсков легітімаціов. Наслідно обводна волебна комісія од нёго легітімацію на голосованя одобере.

Потім обводна волебна комісія закружкує чісло воліча в списку волічів і выдасть волічови листы на голосованя і порожню копертку з уряднов печатков села/міста. **Перевзятя листів на голосованя і коперткы потвердить воліч у списку волічів властноручным підписом.**

Каждый воліч повинен одыйти перед голосованём до выдїленой части містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

У части выдїленій на управу листів на голосованя воліч выбере еден лист того кандідуючого субекта, котрому вирішив дати свій голос. Тот лист без далшой управы вложить до коперткы **або** на выбратім листі на голосованя може закружковати чісло кандідата, котрому дає свій голос. Воліч може закружковати чісла найвеце штирём кандідатів. Кідь воліч дасть преференчний голос веце як штирём кандідатам, такый лист буде голосом про кандідуючий субект а преференчний голос ся не буде брати до увагы.

На пожаданя воліча обводна волебна комісія му выдасть за неправилно управлены листы на голосованя іншы. Неправилно управлены листы на голосованя воліч вложить на місто выдїлене на одложіня несхоснованых або неправилно управлены листів на голосованя.

Воліч, котрый не може сам управити лист на голосованя із здравотных прічін або зато, же не може читати ці писати, **а перед голосованём поінформує о тім факті раённу волебну комісію**, має право взяти із собов до выдїленой части на управу листів на голосованя іншу способну особу, жебы подля ёго інструкцій і закона управила лист на голосованя і вложила го до коперткы; таков особов не може быти член раённой волебной комісії. Обидві особы перед вступом до выдїленой части на управу листів на голосованя член раённой волебной комісії поучить о способі голосованя і о крiмiналнiм skutку в припадi нарушования приправы волеб і волебного процесу.

Воліч, котрый не може із здравотных прічін сам вложить копертку до волебной урны, має право пожадати, жебы копертку до волебной урны за ёго участи вложила інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічін, має право пожадати село а в день реалізації волеб раённу волебну комісію одголосовати до переносной волебной урны, а то лем на теріторії волебного раёну, про котрый была раённа волебна комісія створена.

**Воліч повинен одложити несхоснованы листы на голосованя або некоректно управлены листы на голосованя до запечатованой ладічки на несхоснованы або некоректно управлены листы на голосованя, інакше ся допустить переступліня, за котре буде покутований сумов 33 евро. Кедь голосованя проходить мімо волебной містности, воліч несхоснованы або некоректно управлены листы на голосованя зніщить перед членами раённой волебной комісії.**